



Broj: 01/1-50-1-85-48/05

Sarajevo: 7.7.2005.

Z A P I S N I K

sa 48. sjednice Ustavno - pravne komisije

Sjednica je održana 7.7.2005. godine s početkom u 11,00 sati.

Sjednici su nazočili članovi Komisije:

- | | |
|-----------------------|-----------------|
| 1. Mirsad Ćeman, | 5. Petar Kunić |
| 2. Tihomir Gligorić, | 6. Martin Raguž |
| 3. Beriz Belkić, | |
| 4. Momčilo Novaković, | |

Članovi Komisije Seada Palavrić i Nijaz Duraković nisu bili nazočni sjednici iz opravdanih razloga.

Sjednici je u ime Vijeća ministara BiH nazočio Željko Knežević, te Mustafa Begić u funkciji konsultanta/eksperta za Prijedlog zakona o temeljama geomatike.;

Sjednici je prisustvovao zastupnik Milorad Živković.

Sjednici je bio nazočan tajnik Komisije Milan Zjajić i student stažista Jasmina Szadovski, pripravnik volonter Ivana Šupeta, te Adnan Bešić iz Istraživačkog centra.

Sjednica je trajala do 13.45 sati.

Mirsad Ćeman je pozdravio nazočne i predložio sljedeći:

D N E V N I R E D

1. Verificiranje Zapisnika sa
 - a) 45. sjednice održane, 20.4.2005. godine;
 - b) 46. sjednice održane 11.5.2005. godine;
2. Prijedlog zakona o Agenciji za informaciono društvo, predlagatelj Vijeće ministara BiH;
3. Razmatranje dopisa predsjedatelja Privremene komisije za pripremu izmjene Poslovnika Zastupničkog doma – Amandmani na Poslovnik dr. Seada Avdića i Milorada Živkovića;
4. Prijedlog zakona o temeljama geomatike Bosne i Hercegovine, predlagatelj Mirsad Ćeman;
5. Prijedlog okvirnog zakona o visokom obrazovanju u Bosni i Hercegovini, predlagatelj Momčilo Novaković;
6. Zahtjevi za autentično tumačenje:
 - a) Zakona o reviziji finansijskog poslovanja institucija BiH ("Službeni glasnik BiH" br. 17/99) – trajanje mandata Zamjenika generalnog revizora, po zahtjevu Kancelarije za reviziju finansijskog poslovanja institucija BiH,
 - b) članka 10. Zakona o financiranju političkih partija ("Službeni glasnik BiH" br. 22/00), po zahtjevu Socijaldemokratske unije BiH OOSDU Ilidža;
7. Ostala pitanja.

Članovi Komisije su vodeći raspravu o predloženom dnevnom redu istakli da Komisija nije dala pozitivno mišljenje o usklađenosti sa Ustavom BiH i ustavno-pravnom temelju za Zakon o temeljama geomatike BiH i u tom smislu da se taj zakon ne treba naći na dnevnom redu. Takođe je ukazano da se Vijeće ministara BiH nije očitovalo o Prijedlogu Okvirnog zakona o visokom obrazovanju i da i tu točku treba skinuti. Tako da je odlučeno da se od Kolegija traži tumačenje sporne situacije, pa su točke 4. i 5. skinute sa dnevnog reda, a preostale su jednoglasno prihvaćene.

Ad. 1. Verifikacija Zapisnika sa

- a) 45. sjednice održane, 20.4.2005. godine;
- b) 46. sjednice održane 11.5.2005. godine;

Komisija je jednoglasno, bez primjedbi verifikovala oba zapisnika.,

Ad. 2. Prijedlog zakona o Agenciji za informaciono društvo, predlagatelj Vijeće ministara BiH;

Nakon provedene rasprave, Ustavno-pravna komisija Zastupničkog doma je većinom glasova (sa tri glasa "za", bez glasova "protiv" i tri "uzdržana") utvrdila sljedeće:

1. Postoji valjan ustavno-pravni temelj za donošenje Zakona o Agenciji za informaciono društvo Bosne i Hercegovine,

2. Ustavni temelj je sadržan u članku III/1 h) i članku IV/4 točka a) Ustava Bosne i Hercegovine, kako je i naveo predlagatelj,

3. Ponuđeni tekst je usklađen sa Ustavom Bosne i Hercegovine i

4. Ponuđeni tekst se može uputiti mjerodavnoj komisiji Zastupničkog doma Parlamentarne skupštine BiH u daljnju proceduru.

Ad. 3. Razmatranje dopisa predsjedatelja Privremene komisije za pripremu izmjene Poslovnika Zastupničkog doma – Amandmani na Poslovnik dr. Seada Avdića i Milorada Živkovića;

Komisija je vodila raspravu o amandmanima koje su zajednički uložili Sead Avdić i Milorad Živković, kao i o amandmanu koji je uložio Šefik Džaferović. Nakon provedene rasprave i glasovanja usvojeno je još 11 amandmana, tako da je ukupno na Prijedlog poslovnika Zastupničkog doma Parlamentarne skupštine BiH usvojeno 29 amandmana, koji glase:

AMANDMAN I

Iza člana 9. Prijedloga poslovnika Zastupničkog doma Parlamentarne skupštine Bosne i Hercegovine dodaje se podnaslov "Pravo na slobodu izražavanja" i novi član 10. koji glasi:

"član 10

Poslanik ima pravo na slobodu izražavanja.

Poslanik ima dužnost baviti se pitanjima od političkog i javnog interesa.

Pravo i dužnost iz prethodnih stavova ovog člana poslanik ostvaruje za govornicom Parlamentarne skupštine Bosne i Hercegovine, na javnim skupovima organizovanim od strane vlasti ili nevladinih organizacija, te putem sredstava javnog informisanja."

Sadašnji članovi 10, 11. i 12. Prijedloga poslovnika postaju članovi 11, 12. i 13.

AMANDMAN II

U članu 11. stav (2) iza riječi "Dom" dodaje se tekst koji glasi:

"na prijedlog Kolegija Doma"

AMANDMAN III

U članu 13. stav (1) mijenja se i glasi:

"(1) U skladu sa Ustavom BiH i zakonom, poslanik neće biti pozvan na krivičnu i građansku odgovornost za bilo koje djelo izvršeno u okviru svojih dužnosti u Parlamentarnoj skupštini BiH."

AMANDMAN IV

U članu 19. stav (1) točka a) iza riječi "dužnosti" treba dodati slijedeći tekst:

"te izradu prijedloga kriterijuma kojim se regulišu prava i obaveze poslanika na profesionalnom radu."

AMANDMAN V

U članu 21. stav (2) u drugoj rečenici, iza riječi "Kolegij" dodaje se riječ "Doma"

AMANDMAN VI

U članu 24. u stav (2) u drugoj rečenici tekst: "koji je predsjedavao sjednicom", mijenja se i glasi: "koji predsjedava sjednicom."

AMANDMAN VII

U članu 28. iza stava (1) dodaje se novi stav (2) koji glasi:

"(2) Predlagač je dužan da predloži ciljeve i zadatke."

Raniji stav (2) se mijenja i postaje stav (3) koji glasi:

"(3) Zadaci i sastav komisije utvrđuju se zaključkom Doma."

AMANDMAN VIII

U članu 29. stav (3) u drugom redu tekst: "Zajednička komisija za administrativne poslove propisuje uslove za javni konkurs, raspisuje i provodi javni konkurs i predlaže Domu listu stručnjaka, uz konsultacije sa mjerodavnim komisijama." zamjenjuje se tekстом:

"Javni konkurs raspisuje i provode stručne službe Sekretarijata PSBiH na temelju kriterija koje je utvrdila Zajednička komisija za administrativne poslove."

U istom članu dodaje se stav (4) koji glasi:

"Zajednička komisija za administrativne poslove utvrđuje i predlaže Domu listu stručnjaka usaglašenu sa mjerodavnim komisijama."

AMANDMAN IX

U članu 32. stav (2) mijenja se i glasi:

"(2) Ako mjesto predsjedavajućeg komisije ili jednog od njegovih zamjenika ostane upražnjeno, komisija određuje jednog od svojih članova da privremeno popuni upražnjeno mjesto i o tome obavještava Dom."

AMANDMAN X

U članu 39. iza točke e) dodaje se točka f) koja glasi:

"f) Komisija za ostvarivanje ravnopravnosti polova."

AMANDMAN XI

Iza člana 44. dodaje se novi član 44.a koji glasi:

"član 44. a)

(1) Komisija za ostvarivanje ravnopravnosti polova razmatra pitanja koja se odnose na:

- a) pitanja u vezi sa ostvarivanjem jednakosti među polovima u BiH – posebno u vezi sa unapređivanjem statusa žena u BiH;
- b) podsticanje aktivnosti u institucijama BiH na provođenju Platforme za akciju Pekinške deklaracije (Četvrta svjetska konferencija o ženama 1995.) u 12 kritičkih sfera;
- c) podsticanje i koordinaciju aktivnosti s entitetskim parlamentima na unapređivanju statusa žena i provođenju Platforme za akciju Pekinške deklaracije;
- d) razmatranje predloženih zakona i drugih propisa sa stanovišta jednakosti polova i sprečavanja diskriminacije žena;
- e) razmatranje prijedloga dokumenata i izvještaja institucija BiH koji se odnose na ostvarivanje jednakosti polova i provođenja Platforme za akciju Pekinške deklaracije u cjelini; odnosno po pojedinim oblastima;
- f) razmatranje pripreme za učešće delegacija BiH na međunarodnim skupovima kad se razmatra provođenje Pekinške deklaracije (UN Pakt stabilnosti i sl.)

(2) Komisija razmatra i druga pitanja u vezi sa ostvarivanjem jednakosti polova."

AMANDMAN XII

U članu 51. točka b) mijenja se i glasi:

"Zajednička bezbjedonosno-obavještajna komisija za nadzor nad radom Obavještajno- bezbjedonosne agencije BiH."

AMANDMAN XIII

U članu 51. u točki f) riječi: "ravnopravnost polova" mijenjaju se riječima: "prava djeteta, mlade,".

AMANDMAN XIV

U članu 53. stav (2) na kraju teksta točka se zamjenjuje zarezom i dodaju sljedeće riječi:

"kao i drugim posebnim zakonima iz kojih proističe odgovarajuća mjerodavnost."

AMANDMAN XV

U članu 56. stav (1) točka a) mijenja se i glasi:

"a) usvaja akte koji regulišu visinu plata i naknada za sve zaposlene u PSBiH;"

U istom članu točka b) mijenja se i glasi:

"b) usvaja akte koji regulišu visinu naknada za specifične materijalne troškove zaposlenika u PSBiH, donosi pojedinačne akte o platama i naknadama materijalnih i drugih troškova, naknadama i dnevnica za angažovanje stručnjaka i svjedoka, kao i naknadama određenih materijalnih troškova savjetnika;"

U istom članu točka c) mijenja se i glasi:

"c) u saradnji sa mjerodavnim organima oba Doma, prati i razmatra izvještaje o izvršenju Budžeta za PSBiH i o tome obavještava domove te donosi sve akte PSBiH kojima se reguliše trošenje, odnosno korištenje sredstava utvrđenih Budžetom PSBiH;"

U istom članu točka e) mijenja se i glasi:

"e) odlučuje o dodjeli privremenog smještaja zaposlenim u skladu sa zakonom i aktima PSBiH;"

U istom članu točka i) mijenja se i glasi:

"i) na temelju godišnjih izvještaja klubova o utrošku sredstava i iskazanih godišnjih potreba klubova odlučuje i godišnje izvještava Dom o preraspodjeli finansijskih sredstava, prostorija, kao i administrativnih, tehničkih i drugih usluga za rad klubova;"

U istom članu dodaje se točka j) koja glasi:

"j) utvrđuje kriterijume za angažovanje stručnjaka i svjedoka za potrebe komisija i drugih radnih tijela Doma."

AMANDMAN XVI

U članu 57. stav (1), u nazivu Komisije riječi: "ravnopravnost polova", mijenjaju se riječima: "prava djeteta, mlade,".

U članu 57. stav (1) točke i), j), k), l), m) i n), mijenjaju se novim točkama i to:

"i) razmatrati pitanja u vezi s ostvarivanjem prava djeteta – posebno poboljšanjem statusa djeteta u Bosni i Hercegovini;

j) podsticanje aktivnosti u institucijama BiH na provođenju Konvencije o pravima djeteta, kao i podsticanje i ostvarivanje saradnje sa komisijama entitetskih parlamenata na poboljšanju statusa djeteta i provođenje Konvencije o pravima djeteta;

k) razmatranje predloženih zakona i drugih propisa sa stanovišta prava djeteta i sprečavanje diskriminacije prava djeteta;

l) razmatranje pitanja u vezi sa ostvarivanjem prava mladih - posebno poboljšanja prava mladih u Bosni i Hercegovini;

m) podsticanje aktivnosti u institucijama BiH na usvajanju i provođenju najznačajnijih međunarodnih dokumenata o pitanju mladih;

n) razmatranje prijedloga dokumenata i izvještaja institucija BiH koji se odnose na prava djeteta i na pitanja mladih, te razmatranje priprema za učešće delegacija BiH na međunarodnim skupovima kada se razmatraju pitanja prava djeteta i pitanja mladih."

U članu 57. stav (2) riječi: "ostvarivanja ravnopravnosti polova" mijenjaju se riječima:

"prava djeteta, mladih,"

AMANDMAN XVII

U članu 67, u (1) stavu iza riječi: "kad zatraži" dodaju se riječi: "i dobije".

U istom članu iza stava (1) dodaje se novi stav (2) koji glasi:

"(2) Predlagač zakona ima pravo i obavezu da prije početka rasprave obrazloži prijedlog zakona u vremenu do 15 minuta."

Dosadašnji stavovi (2) i (3) postaju stavovi (3) i (4).

AMANDMAN XVIII

U članu 102. stav (2) briše se.

AMANDMAN XIX

U članu 103. u stavu (1) na kraju rečenice riječi: "u roku od 15 dana" zamjenjuju se riječima: "u roku od 7 do 15 dana".

AMANDMAN XX

U članu 105. u stavu (1) na kraju rečenice riječi: "u roku od 15 dana" zamjenjuju se riječima: "u roku od 7 do 15 dana".

U istom članu, u stavu (2) riječi: "mišljenja komisija" zamjenjuju se riječima: "mišljenje Ustavno-pravne ili mjerodavne komisije".

AMANDMAN XXI

U članu 107. iza stava (1) dodaje se novi stav (2) koji glasi:

"(2) Nakon što rasprava počne, pored amandmana iz stava (1) ovog člana, predsjedavajući, u konsultaciji sa zamjenicima predsjedavajućeg komisije, odobrava raspravu o novim amandmanima samo u sljedećim slučajevima:

a) kada se odnose na nove aspekte; ili

b) kada nastoje usaglasiti dva ili više prijedloga o kojima se vodi rasprava."

Stav (2) postaje stav (3).

AMANDMAN XXII

U članu 110. u stavu (1) na kraju rečenice riječi: "u roku od 15 dana" zamjenjuju se riječima: "u roku od 7 do 15 dana".

AMANDMAN XXIII

U članu 124. u stava (3) zadnja rečenica se briše.

Dodaje se novi stav 4. koji glasi:

"(4) Kada se prijedlog zakona razmatra u skraćenom postupku Kolegij može dodatno ograničiti dužinu trajanja diskusije, kao i ograničiti koliko puta poslanik može dobiti riječ."

Raniji stav 4. postaje stav 5.

AMANDMAN XXIV

Naziv Odjeljka K. mijenja se i glasi:

"Odjeljak K. Ovlaštenje za ratifikaciju međunarodnih ugovora i otkazivanje ugovora"

AMANDMAN XXV

Član 129. mijenja se i glasi:

"(1) Predsjedništvo BiH, a u skladu sa Ustavom BiH i zakonom, podnosi Domu zahtjev za davanje saglasnosti za ratifikaciju ili otkazivanje ratifikovanih međunarodnih ugovora, sporazuma i konvencija.

(2) Tekst međunarodnih ugovora, sporazuma i konvencija nije podložan amandmanima."

AMANDMAN XXVI

U članu 151. stav (3), na kraju prve rečenice briše se točka i dodaje tekst: "i obezbjeđuje direktan TV prenos."

U trećoj rečenici istog stava, riječi: "resorni ministar nije prisutan ili" mijenjaju se riječima "predstavnik Vijeća ministara".

AMANDMAN XXVII

U članu 152, stav (1), u trećem redu, riječ: "uzvratiti" mijenjaju se riječima: "dati komentar na odgovor".

AMANDMAN XXVIII

Član 182. mijenja se i glasi:

"Član 182.

Postupak o prijedlozima zakona i drugih akata koji se nalaze u parlamentarnoj proceduri okončat će se prema odredbama dosadašnjeg Poslovnika ("Službeni glasnik BiH" broj 20/00)."

AMANDMAN XXIX

Zagrade ispred i iza podnaslova u Prijedlogu poslovnika brišu se.

Zatim je Komisija prihvatila tekst Prijedloga poslovnika Zastupničkog doma Parlamentarne skupštine Bosne i Hercegovine, kako ga je predložila Privremena komisija sa usvojenim amandmanima I-XXIX i konstatala da je predloženi Poslovnik neophodno donijeti.

U smislu odredbi člana 89. Poslovnika Zastupničkog doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Mirsad Ćeman.

8. Ad. 4. Zahtjevi za autentično tumačenje:

a) Zakona o reviziji finansijskog poslovanja institucija BiH ("Službeni glasnik BiH" br. 17/99) – trajanje mandata Zamjenika generalnog revizora, po zahtjevu Kancelarije za reviziju finansijskog poslovanja institucija BiH,

Nakon rasprave Komisija je jednoglasno zauzela sljedeći stav:

Umjesto davanja tumačenja odredbi zakona koje se tiču trajanja mandata generalnog revizora ili zamjenika revizora, treba realizovati zaključak Zastupničkog doma, predložiti izmjene zakona i u paketu posmatrati mandate zamjenika odnosno generalnog revizora.

b) člana 10. Zakona o financiranju političkih partija ("Službeni glasnik BiH" br. 22/00), po zahtjevu Socijaldemokratske unije BiH OOSDU Ilidža;

Kako je još 30.09.2004. godine za istu normu Komisija ocijenila da nije jasna, to ovom prilikom Komisija potvrđuje isti stav i potrebu da se kod Vijeća ministara interveniše uregenicijom radi postupanja po davanju prijedloga autentičnog tumačenja.

Ad. 9. Ostala pitanja

Kako nije bilo prijedloga za ovu točku dnevnog reda predsjedavajući je u kratkim crtama upoznao članove Komisije o seminaru i službenom putu na kojem su bili on i sekretar u Nju Orleansu, a zatim u 13,45 sati zaključio sjednicu.

***Napomena:** Sastavni dio ovog zapisnika je stenogram koji sačinjava Zajednička služba Parlamentarne skupštine BiH.*

SEKRETAR KOMISIJE

Milan Zjajić

PREDSJEDAVALAJUĆI KOMISIJE

Mirsad Ćeman